

Lagabreyting við 6.gr.

6. GR. STJÓRN OG KOSNINGAR

Stjórn félagsins skipa sex menn auk formanns.

Formaður skal kosinn til eins árs en aðrir stjórnarmenn til tveggja ára, þó þannig að á hverju ári er kosið um þrjá meðstjórnendur. Stjórn skiptir með sér verkum.

Fyrir lok desembermánaðar ár hvert skal stjórn SVFR skipa þriggja manna kjörnefnd, sem annast skal undirbúning og framkvæmd kosninga til stjórnar og fulltrúaráðs.

Framboðum til stjórnar skal skila skriflega til skrifstofu félagsins eigi síðar en fjórtán (14) dögum fyrir aðalfund.

Kjörnefnd úrskurðar um lögmæti framboða og skal að því gerðu birta nöfn frambjóðenda á vefsvæði SVFR eigi síðar en 10 dögum fyrir aðalfund. Frambjóðendum býðst að kynna sig og áherslumál sín á vefsvæði félagsins auk þess sem kjörnefnd er heimilt að boða til sérstaks kynningarfundar með frambjóðendum.

Allir félagsmenn 18 ára og eldri, sem greitt hafa félagsgjöld sín eru kjörgengir.

Stjórnarkosning fer fram á aðalfundi, í atkvæðagreiðslu utan kjörfundar og/eða í rafrænni kosningu, eftir ákvörðun kjörnefndar hverju sinni. Atkvæðisrétt hafa þeir sem eru á félagaskrá í lok síðasta mánaðar áður en kosning fer fram, hafa greitt félagsgjald og hafa náð 18 ára aldri.

Kjörgengir félagsmenn geta kosið á skrifstofu félagsins á hefðbundnum afgreiðslutíma síðustu fimm virka daga fyrir aðalfund. Ef kosið er rafrænni kosningu skal hún hefjast fimm sólarhringum fyrir aðalfund og ljúka á aðalfundinum sjálfum, í samræmi við auglýsta dagskrá fundarins.

Kosið skal skriflega bundinni kosningu milli frambjóðenda. Atkvæðaseðill við kjör meðstjórnenda er því aðeins gildur ef merkt er við þrjá frambjóðendur. Ef kjósa þarf meðstjórnendur til eins árs má fjölga nöfnum á atkvæðaseðli sem því nemur. Þeir þrír sem flest atkvæði hljóta eru kjörnir til tveggja ára.

Kjörnefnd félagsins gefur út nánari reglur um kjörgögn og fyrirkomulag kosninga og skal kynna hvoru tveggja á heimasíðu félagsins tíu dögum fyrir aðalfund.

Stjórnarfundir skulu haldnir reglulega samkvæmt boðun formanns eða fjögurra stjórnarmanna. Afl atkvæða ræður úrslitum mála á stjórnarfundum. Falli atkvæði að jöfnu skal atkvæði formanns ráða niðurstöðu.

Stjórnarfundur er löglegur ef fjórir stjórnarmenn eru mættir, þar af formaður eða varaformaður

9. GR. – FULLTRÚARÁÐ

Á aðalfundi skal kjósa félaginu fulltrúaráð sem og í atkvæðagreiðslu utan kjörfundar og/eða rafrænt, eftir ákvörðun kjörstjórnar hverju sinni. Í því skulu sitja fimmtán einstaklingar, þar af fimm síðast starfandi formenn félagsins, njóti þeirra við og að því tilskildu að þeir séu enn félagsmenn, sbr. 4. mgr. 4. gr., og eru þeir sjálfkjörnir. Fráfarandi formaður félagsins er formaður fulltrúaráðs. Forfallist hann tekur við formennsku ráðsins sá fyrrverandi formaður sem næst kemur hinum í tímaröð.

Í fulltrúaráð skal því kjósa a.m.k. tíu fulltrúa til tveggja ára, þó þannig að á hverju ári skal kosið um a.m.k. fimm fulltrúa.

Framboðum til fulltrúaráðs skal skila skriflega til skrifstofu félagsins a.m.k. fjórtán dögum fyrir aðalfund og skal þeirra getið í dagskrá aðalfundar sem er birt á vefsíðu félagsins eigi síðar en 10 dögum fyrir aðalfund.

Kjörnefnd úrskurðar um lögmæti framboða og skal að því gerðu birta nöfn frambjóðenda á vefsvæði SVFR eigi síðar en 10 dögum fyrir aðalfund. Frambjóðendum býðst að kynna sig og áherslumál sín á vefsvæði félagsins auk þess sem kjörnefnd er heimilt að boða til sérstaks kynningarfundar með frambjóðendum.

Hlutverk fulltrúaráðs er að vera stjórn félagsins til fulltingis og ráðuneytis í málefnum félagsins. Fulltrúaráð hefur engin afskipti af daglegum rekstri félagsins.

Lagabreyting við 9.gr

Formaður fulltrúaráðs getur kvatt ráðið saman þegar honum þykir nauðsyn bera til. Honum er skylt að kveðja ráðið til fundar ef stjórn félagsins eða fimm fulltrúaráðsmenn óska þess skriflega og gera grein fyrir fundarefni.

Á aðalfundi skal kjósa félaginu fulltrúaráð sem og í atkvæðagreiðslu utan kjörfundar og /eða rafrænt, eftir ákvörðun kjörstjórnar hverju sinni skv. 6. gr.